

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1328/20
Sarajevo, 29.7.2020. godine

Z A P I S N I K
**6. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 29. 7. 2020. godine**

Sjednica je počela sa radom u 13:04 sati.

Sjednicom je predsjedavao Tomislav Martinović, predsjedavajući Doma naroda Parlamenta Federacije Bosne i Hercegovine.

Predsjedavajući je pozdravio delegate, predstavnike Vlade Federacije Bosne i Hercegovine te predstavnike medija.

Izostanak sa sjednice su najavili: Slađan Ilić, Dragan Stevanović, Nikica Bosnić, Senad Ahmetović, Elmedin Konaković, Drago Puzigaća, Damir Marjanović, Rasim Pajić, Daliborka Milović i Jasenko Tufekčić.

Prema evidenciji Stručne službe, sjednici prisustvuje 40 delegata što čini većinu pa Dom naroda može raditi i punovažno odlučivati.

Potom se prešlo na glasanje o zapisnicima.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH bez primjedbi, sa 40 glasova za usvojio Zapisnik 5. sjednice Doma naroda Parlamenta FBiH održane 13. 2. 2020. i 27. 2. 2020. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH bez primjedbi, sa 40 glasova za usvojio Zapisnik 4. vanredne sjednice Doma naroda Parlamenta FBiH održane 8. 4. 2020. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH bez primjedbi, sa 39 glasova za usvojio Zapisnik 5. vanredne sjednice Doma naroda Parlamenta FBiH održane 28. 4. 2020. i 4. 5. 2020. godine.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH bez primjedbi, sa 40 glasova za usvojio Zapisnik 6. vanredne sjednice Doma naroda Parlamenta FBiH održane 18. 6. 2020. godine.

Predsjedavajući je potom stavio na glasanje prijedlog da se na sjednici ne postavljaju usmeno delegatska pitanja i inicijative nego da se dostave pismenim putem te konstatovao da je sa 40 glasova za ovaj prijedlog usvojen.

Prije prelaska na utvrđivanje dnevnog reda predsjedavajući je upitao da li ima prijedloga za izmjenu i dopunu dnevnog reda te se su se za riječ javili Vibor Handžić i Jasmin Duvnjak.

Vibor Handžić je predložio da se u dnevni red današnje sjednice uvrste: Prijedlog rezolucije o prevenciji, smanjenju i suzbijanju COVID-a 19 u Federaciji BiH i prijedlog deklaracije o zaštiti rijeka u Federaciji BiH koju je Predstavnički dom donio.

Jasmin Duvnjak je predložio da se u dnevni red današnje sjednice uvrste Prijedlog zakona o dopunama Zakona o cestovnom prijevozu Federacije Bosne i Hercegovine kojeg je predložio delegat Aljoša Čampara i Prijedlog odluke o prihvatanju zaduženja po Okvirnom sporazumu o zajmu između Razvojne banke Vijeća Europe (CEB) i Bosne i Hercegovine za realizaciju Projekta „Izgradnja Regionalnog vodovoda Plava voda“.

Takođe je predložio da se Prijedlog odluke o potvrđivanju Odluke o razrješenju i imenovanju članova Komisije za vrijednosne papire Federacije Bosne i Hercegovine uvrsti u dnevni red današnje sjednice.

Predsjedavajući je odgovorio da je Kolegij Doma naroda predložio da se prijedlozi predsjednika Kluba delegata bošnjačkog naroda koji se odnose na Prijedlog zakona o dopunama Zakona o cestovnom prijevozu Federacije Bosne i Hercegovine i Prijedlog odluke o prihvatanju zaduženja po Okvirnom sporazumu o zajmu između Razvojne banke Vijeća Europe (CEB) i Bosne i Hercegovine za realizaciju Projekta „Izgradnja Regionalnog vodovoda Plava voda“ razmatraju na današnjoj sjednici, a prijedlozi delegata Vibora Handžića i Prijedlog odluke o potvrđivanju Odluke o razrješenju i imenovanju članova Komisije za vrijednosne papire Federacije Bosne i Hercegovine na narednoj sjednici, što su delegati prihvatili.

Predsjedavajući je stavio na glasanje prijedlog da se na dnevni red sjednice kao tačka 3. uvrsti Prijedlog zakona o dopunama Zakona o cestovnom prijevozu Federacije Bosne i Hercegovine i razmatra po skraćenom postupku. Na osnovu rezultata glasanja predsjedavajući je konstatovao da je Dom naroda Parlamenta FBiH ovaj prijedlog jednoglasno usvojio sa 42 glasa za.

Zatim je predsjedavajući stavio na glasanje prijedlog da se na dnevni red sjednice kao tačka 9. uvrsti Prijedlog odluke o prihvatanju zaduženja po Okvirnom sporazumu o zajmu između Razvojne banke Vijeća Europe (CEB) i Bosne i Hercegovine za realizaciju Projekta „Izgradnja Regionalnog vodovoda Plava voda“. Na osnovu rezultata glasanja predsjedavajući je konstatovao da je Dom naroda Parlamenta FBiH ovaj prijedlog jednoglasno usvojio sa 42 glasa za.

Vlada Federacije BiH dostavila je Prijedlog zakona o izmjeni Zakona o izmirenju obaveza po osnovu računa stare devizne štednje u Federaciji BiH s prijedlogom da se razmatra po hitnom postupku.

Predsjedavajući je na temelju člana 188. Poslovnika o radu Doma naroda pozvao delegate da se izjasne o tome da se ovaj Prijedlog razmatra po hitnom postupku.

Na temelju rezultata glasanja predsjedavajući je konstatovao da je prihvaćen prijedlog da se Prijedlog zakona o izmjeni Zakona o izmirenju obaveza po osnovu računa stare devizne štednje u Federaciji BiH razmatra po hitnom postupku.

Nakon toga je predsjedavajući stavio na glasanje predloženi dnevni red i na osnovu rezultata glasanja, konstatovao da je Dom naroda Parlamenta Federacije Bosne i Hercegovine jednoglasno sa 42 glasa za usvojio sljedeći

DNEVNI RED

1. Prijedlozi zaključaka koji proizilaze iz odluka Ustavnog suda Bosne i Hercegovine i presuda Ustavnog suda Federacije Bosne i Hercegovine,
2. Prijedlog zakona o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine – hitni postupak,
3. Prijedlog zakona o dopunama Zakona o cestovnom prijevozu Federacije Bosne i Hercegovine – (predlagač: Aljoša Čampara, delegat u Domu naroda) – skraćeni postupak,
4. Prijedlog zakona o obaveznim osiguranjima u saobraćaju,
5. Nacrt zakona o poticanju razvoja male privrede u Federaciji Bosne i Hercegovine,
6. Nacrt zakona o infrastrukturi prostornih podataka Federacije Bosne i Hercegovine,
7. Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za realizaciju Projekta Koridoru Vc - DIO 3,
8. Prijedlog odluke o prihvatanju zaduženja po Ugovoru o zajmu između Bosne i Hercegovine i Europske banke za obnovu i razvoj (EBRD) za finansiranje izgradnje dionice Autoceste na Koridoru Vc Putnikovo brdo - Medakovo,
9. Prijedlog odluke o prihvatanju zaduženja po Okvirnom sporazumu o zajmu između Razvojne banke Vijeća Europe (CEB) i Bosne i Hercegovine za realizaciju Projekta „Izgradnja Regionalnog vodovoda Plava voda“,
10. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju „VE BALJCI“ privrednom društvu „TOMKUP“ d.o.o. Tomislavgrad,
Prijedlog zaključka o davanju prethodne saglasnosti u postupku izdavanja Energetske dozvole privrednom društvu „TOMKUP d.o.o. Tomislavgrad“,
11. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju „VE Gradina“ privrednom društvu „VE GRADINA d.o.o. Tomislavgrad“,

Prijedlog zaključka o davanju prethodne saglasnosti u postupku izdavanja Energetske dozvole privrednom društvu „VE GRADINA d.o.o. Tomislavgrad“,

12. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju VE Pakline 2 privrednom društvu „KAMEN - DENT d.o.o. Mostar“,
Prijedlog zaključka o davanju prethodne saglasnosti u postupku izdavanja Energetske dozvole privrednom društvu „KAMEN - DENT d.o.o. Mostar“,
13. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju „VE Orlovača“ privrednom društvu „HB WIND d.o.o. Livno“,
Prijedlog zaključka o davanju prethodne saglasnosti u postupku izdavanja Energetske dozvole privrednom društvu „HB WIND d.o.o. Livno“,
14. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju „VE Ivovik“ privrednom društvu „VE Ivovik d.o.o. Sarajevo“,
Prijedlog zaključka o davanju prethodne saglasnosti u postupku izdavanja Energetske dozvole privrednom društvu „VE Ivovik d.o.o. Sarajevo“,
15. Odluka o izdvajanju sredstava u Fond solidarnosti Federacije Bosne i Hercegovine za 2020. godinu,
16. Specijalni izvještaj o zabrani fizičkog kažnjavanja djeteta u Bosni i Hercegovini,
17. Izvještaj o zaduženju Federacije Bosne i Hercegovine po osnovu emisije trezorskih zapisa (9M) na dan 22.10.2019. godine,
18. Izvještaj o zaduženju Federacije Bosne i Hercegovine po osnovu emisije (7Y) obveznica na dan 15.10.2019. godine,
19. Izbor i imenovanja
- Prijedlog Odluke o izboru članova u Parlamentarnu komisiju odgovornu za reviziju.

1. Prijedlozi zaključaka koji proizilaze iz odluka Ustavnog suda Bosne i Hercegovine i presuda Ustavnog suda Federacije Bosne i Hercegovine

Parlamentu Federacije BiH su od strane Ustavnog suda Federacije BiH dostavljene presude: U-10/19 od 6.2.2020. godine, U-48/19, U-16/18 i U-24/16, U-45/19 i U-5/19.

Ove presude su također dostavljene delegatima i nadležnim radnim tijelima.

Predsjedavajući je podsjetio delegate da se Izvršenje presude broj U-45/19 od 28.1.2020. godine odnosi na Prijedlog zakona o izmjeni Zakona o matičnim knjigama koji se nalazi u parlamentarnoj proceduri.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta FBiH sa 39 glasova za i dva suzdržana glasa usvojio sljedeći

ZAKLJUČAK

Zadužuje se premijer Federacije Bosne i Hercegovine da, u skladu sa Ustavom Federacije Bosne i Hercegovine, osigura izvršenje Odluke Ustavnog suda Bosne i Hercegovine, broj U-10/19 od 6.2.2020. godine i presuda Ustavnog suda Federacije Bosne i Hercegovine br. U-5/19 od 21.4.2020., U-16/18 od 26.2. 2020. godine, U-48/19 od 21.4.2020. godine i U-24/16 od 29.11.2017. godine.

2. Prijedlog zakona o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine – hitni postupak

Vlada Federacije Bosne i Hercegovine je utvrdila i dostavila ovaj Prijedlog zakona Parlamentu Federacije Bosne i Hercegovine radi razmatranja i donošenja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 10. sjednici održanoj 29.1.2020. godine usvojio Prijedlog zakona o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine u tekstu kako ga je predložila Vlada Federacije.

Prijedlog zakona su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 41 glasom za usvojio Prijedlog zakona o izmjeni Zakona o izmirenju obaveza po osnovu računa stare devizne štednje u Federaciji Bosne i Hercegovine.

3. Prijedlog zakona o dopunama Zakona o cestovnom prijevozu Federacije Bosne i Hercegovine - (predlagač: Aljoša Čampara, delegat u Domu naroda) - skraćeni postupak

Prijedlog zakona u istovjetnom tekstu predložio je Irfan Čengić, zastupnik u Predstavničkom domu Parlamenta FBiH.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 10. sjednici održanoj 29.1.2020. godine usvojio Prijedlog zakona o dopunama Zakona o cestovnom prijevozu Federacije Bosne i Hercegovine u tekstu kako ga je predložio predlagač.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 42 glasa za usvojio Prijedlog zakona o dopunama Zakona o cestovnom prijevozu Federacije Bosne i Hercegovine.

4. Prijedlog zakona o obaveznim osiguranjima u saobraćaju

Vlada Federacije Bosne i Hercegovine je utvrdila i dostavila Parlamentu Federacije Prijedlog zakona o obaveznim osiguranjima u saobraćaju.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 8. sjednici održanoj 20.11.2019. godine usvojio Prijedlog zakona o obaveznim osiguranjima u saobraćaju zajedno sa četiri amandmana Vlade Federacije BiH koji su postali sastavni dio Prijedloga zakona.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 42 glasa za usvojio Prijedlog zakona o obaveznim osiguranjima u saobraćaju.

5. Nacrt zakona o poticanju razvoja male privrede u Federaciji Bosne i Hercegovine

Nacrt zakona o poticanju razvoja male privrede u Federaciji Bosne i Hercegovine je utvrdila Vlada Federacije BiH.

Predstavnički dom Parlamenta Federacije Bosne i Hercegovine je na 4. sjednici održanoj 10. i 11.9.2019. godine razmatrao je i Zaključkom prihvatio Nacrt zakona o poticanju razvoja male privrede u Federaciji Bosne i Hercegovine.

Nacrt zakona je obrazložio federalni ministar razvoja, poduzetništva i obrta, Amir Zukić.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH je sa 39 glasova za usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvaća Nacrt zakona o poticanju razvoja male privrede u Federaciji Bosne i Hercegovine i smatra da može poslužiti kao temelj za izradu Prijedloga zakona.
2. Zadužuje se predlagač da organizuje i provede javnu raspravu u trajanju od 90 dana i da u tom razdoblju zatraži mišljenja i suglasnosti kantona i jedinica lokalne samouprave
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene u javnoj raspravi.

6. Nacrt zakona o infrastrukturi prostornih podataka Federacije Bosne i Hercegovine

Nacrt zakona o infrastrukturi prostornih podataka Federacije Bosne i Hercegovine je utvrdila Vlada Federacije BiH.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 8. sjednici održanoj 20.11.2019. godine razmatrao i zaključkom prihvatio Nacrt zakona o infrastrukturi prostornih podataka Federacije Bosne i Hercegovine.

Nacrt zakona je obrazložio predstavnik Vlade Federacije BiH Goran Brkić.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH je sa 41 glasom za usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvaća Nacrt zakona o infrastrukturi prostornih podataka Federacije Bosne i Hercegovine i smatra da može poslužiti kao temelj za izradu Prijedloga zakona.
2. Zadužuje se predlagač da organizuje i provede javnu raspravu u trajanju od 90 dana.
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene u javnoj raspravi.

- 7. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridoru Vc - DIO 3,**
- 8. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za finansiranje izgradnje dionice Autoceste na Koridoru Vc Putnikovo brdo - Medakovo**

Vlada Federacije Bosne i Hercegovine je utvrdila i dostavila tekst Prijedloga odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridoru Vc - DIO 3, te tekst Prijedloga odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za finansiranje izgradnje dionice Autoceste na Koridoru Vc Putnikovo brdo - Medakovo.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 2. sjednici održanoj 10.04.2019. godine usvojio Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridoru Vc - DIO 3, te na 8. sjednici održanoj 20.11.2019.godine usvojio i Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za finansiranje izgradnje dionice Autoceste na Koridoru Vc Putnikovo brdo - Medakovo.

Prijedloge odluka obrazložila je predstavnica Vlade Federacije BiH Jelka Milićević.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 39 glasova za usvojio Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Koridoru Vc - DIO 3.

Zatim je predsjedavajući konstatovao da je Dom naroda Parlamenta Federacije Bosne i Hercegovine sa 40 glasova za usvojio i Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za finansiranje izgradnje dionice Autoceste na Koridoru Vc Putnikovo brdo - Medakovo.

9. Prijedlog odluke o prihvatanju zaduženja po Okvirnom sporazumu o zajmu između Razvojne banke Vijeća Europe (CEB) i Bosne i Hercegovine za realizaciju Projekta „Izgradnja Regionalnog vodovoda Plava voda“

Vlada Federacije Bosne i Hercegovine je utvrdila i dostavila tekst Prijedloga odluke o prihvatanju zaduženja po Okvirnom sporazumu o zajmu između Razvojne banke Vijeća Europe (CEB) i Bosne i Hercegovine za realizaciju Projekta „Izgradnja Regionalnog vodovoda Plava voda“.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 5. vanrednoj sjednici održanoj 16.7.2019. godine usvojio Prijedlog odluke o prihvatanju zaduženja po Okvirnom sporazumu o zajmu između Razvojne banke Vijeća Europe (CEB) i Bosne i Hercegovine za realizaciju Projekta „Izgradnja Regionalnog vodovoda Plava voda“.

U raspravi je učestvovao Jasmin Duvnjak.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine sa 42 glasa za usvojio Prijedlog odluke o prihvatanju zaduženja po Okvirnom sporazumu o zajmu između Razvojne banke Vijeća Europe (CEB) i Bosne i Hercegovine za realizaciju Projekta „Izgradnja Regionalnog vodovoda Plava voda“.

Predsjedavajući je predložio da se vodi zajednička rasprava o tačkama dnevnog reda 10.-14. što su delegati prihvatili.

10. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju „VE BALJCI“ privrednom društvu „TOMKUP“ d.o.o. Tomislavgrad, Prijedlog zaključka o davanju prethodne saglasnosti u postupku izdavanja Energetske dozvole privrednom društvu „TOMKUP d.o.o. Tomislavgrad“

11. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju „VE Gradina“ privrednom društvu „VE GRADINA d.o.o. Tomislavgrad“, Prijedlog zaključka o davanju prethodne saglasnosti u postupku izdavanja Energetske dozvole privrednom društvu „VE GRADINA d.o.o. Tomislavgrad“

12. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju

VE Pakline 2 privrednom društvu „KAMEN - DENT d.o.o. Mostar“, Prijedlog zaključka o davanju prethodne saglasnosti u postupku izdavanja Energetske dozvole privrednom društvu „KAMEN - DENT d.o.o. Mostar“

13. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju „VE Orlovača“ privrednom društvu „HB WIND d.o.o. Livno“, Prijedlog zaključka o davanju prethodne saglasnosti u postupku izdavanja Energetske dozvole privrednom društvu „HB WIND d.o.o. Livno“,,

14. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju “VE Ivovik“ privrednom društvu “VE Ivovik d.o.o. Sarajevo”, Prijedlog zaključka o davanju prethodne saglasnosti u postupku izdavanja Energetske dozvole privrednom društvu „VE Ivovik d.o.o. Sarajevo”

Predstavnički dom Parlamenta Federacije Bosne i Hercegovine je obavijestio Dom naroda da na 12. sjednici održanoj 23.06.2020. godine usvojio Zaključak o davanju prethodne saglasnosti u postupku izdavanja Energetske dozvole privrednom društvu VE Ivovik d.o.o, Zaključak o davanju prethodne saglasnosti u postupku izdavanja Energetske dozvole privrednom društvu HB WIND d.o.o. LIVNO za izgradnju VE „Orlovača“, Zaključak o davanju prethodne saglasnosti u postupku izdavanja Energetske dozvole privrednom društvu KAMEN-DENT d.o.o. Mostar za izgradnju VE „Pakline 2“, Zaključak o davanju prethodne saglasnosti u postupku izdavanja Energetske dozvole privrednom društvu VE Gradina d.o.o. Tomislavgrad za izgradnju VE “Gradina“ i Zaključak o davanju prethodne saglasnosti u postupku izdavanja Energetske dozvole privrednom društvu “TOMKUP“ d.o.o. Tomislavgrad za izgradnju VE „Baljci“.

Informacije je obrazložio predstavnik Federalnog ministarstva energije, rudarstva i industrije Halko Balavac.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH je sa 42 glasa za usvojio sljedeći

ZAKLJUČAK

1. Daje se prethodna saglasnost Federalnom ministarstvu energije, rudarstva i industrije u postupku izdavanja Energetske dozvole, privrednom društvu „TOMKUP“ Tomislavgrad d.o.o., za izgradnju vjetroelektane VE Baljci, instalirane nominalne snage 48 MW (16 x 3 MW) odobrene snage priključenja

48 MW (16 x 3 MW), planirane godišnje proizvodnje električne energije od 145,728 GWh, koja se planira graditi na planinskom području sjevernog dijela općine Tomislavgrad.

2. Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i članka 24. Uredbe o postupku i kriterijima, formi i sadržaju zahtjeva za izdavanje energetske dozvole za izgradnju novih i rekonstrukcije postojećih proizvodnih postrojenja („Službene novine Federacije BiH“, 27/14), na izdavanju Energetske dozvole iz točke I ovog zaključka.
3. Ovaj Zaključak stupa na snagu narednog dana od dana objavljivanja u ” Službenim novinama Federacije BiH”.

Nadalje, na osnovu rezultata glasanja, predsjedavajući je konstatovao da je Dom naroda Parlamenta Federacije BiH sa 41 glasom za usvojio sljedeći

ZAKLJUČAK

1. Daje se prethodna saglasnost Federalnom ministarstvu energije, rudarstva i industrije u postupku izdavanja Energetske dozvole, privrednom društvu VE GRADINA d.o.o., Tomislavgrad, za izgradnju prve faze vjetroelektane VE Gradina, instalirane nominalne snage 41,6 MW (13 x 3.2 MW) odobrene snage priključka 41,6 MW (13 x 3.2 MW), planirane godišnje proizvodnje električne energije od 143,6 GWh, koja se planira graditi na širem lokalitetu zaravni Midena, na području općine Tomislavgrad.
2. Zadužuje se Federalno ministarstvo energije, rudarstva i industrije da pristupi aktivnostima iz člana 23.st.(4), (5), (6) i (7) i članka 24. Uredbe o postupku i kriterijima, formi i sadržaju zahtjeva za izdavanje energetske dozvole za izgradnju novih i rekonstrukcije postojećih proizvodnih postrojenja („Službene novine Federacije BiH“, 27/14), na izdavanju Energetske dozvole iz točke I ovog zaključka.
3. Ovaj Zaključak stupa na snagu narednog dana od dana objavljivanja u ” Službenim novinama Federacije BiH.

Zatim se pristupilo glasanju za Zaključak o davanju prethodne saglasnosti u postupku izdavanja Energetske dozvole privrednom društvu KAMEN-DENT d.o.o.Mostar za izgradnju VE „Pakline 2“ .

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH je sa 41 glasom za usvojio sljedeći

ZAKLJUČAK

1. Daje se prethodna saglasnost Federalnom ministarstvu energije, rudarstva i industrije u postupku izdavanja Energetske dozvole, privrednom društvu „KAMEN - DENT“ d.o.o. Mostar, za izgradnju vjetroelektane VE Pakline 2, instalirane nominalne snage 48 MW (16 x 3 MW) odobrene snage priključenja 48 MW (16 x 3 MW), planirane godišnje proizvodnje električne energije od 153,9 GWh, koja se planira graditi na širem lokalitetu Mokronoge, Sarajlije, Letka i Vedašić, na području općine Tomislavgrad.
2. Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku i kriterijima, formi i sadržaju zahtjeva za izdavanje energetske dozvole za izgradnju novih i rekonstrukcije postojećih proizvodnih postrojenja („Službene novine Federacije BiH“, 27/14), na izdavanju Energetske dozvole iz točke I ovog zaključka.
3. Ovaj Zaključak stupa na snagu narednog dana od dana objavljivanja u ” Službenim novinama Federacije BiH”.

Nakon toga se pristupilo i glasanju za Zaključak o davanju prethodne saglasnosti u postupku izdavanja Energetske dozvole privrednom društvu HB WIND d.o.o.LIVNO za izgradnju VE „Orlovača“.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH je sa 43 glasa za usvojio sljedeći

ZAKLJUČAK

1. Daje se prethodna saglasnost Federalnom ministarstvu energije, rudarstva i industrije u postupku izdavanja Energetske dozvole, privrednom HB WIND d.o.o.Livno, za izgradnju VE „Orlovača“ instalirane nominalne snage 42,9 MW (13 x 3.3 MW) odobrene snage priključenja 42,9 MW (13 x 3.3 MW), planirane godišnje proizvodnje električne energije od 99,06GWh, koja se planira graditi na lokalitetu Orlovača, na području općine Livno.
2. Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku i kriterijima, formi i sadržaju zahtjeva za izdavanje energetske dozvole za izgradnju novih i rekonstrukcije postojećih proizvodnih postrojenja („Službene novine Federacije BiH“, 27/14), na izdavanju Energetske dozvole iz točke I ovog zaključka.
3. Ovaj Zaključak stupa na snagu narednog dana od dana objavljivanja u ” Službenim novinama Federacije BiH”

Potom se pristupilo glasanju za posljednji Zaključak koji se odnosi na davanje prethodne saglasnosti u postupku izdavanja Energetske dozvole privrednom društvu "VE Ivovik" d.o.o. Sarajevo.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH je sa 43 glasa za usvojio sljedeći

ZAKLJUČAK

1. Daje se prethodna saglasnost Federalnom ministarstvu energije, rudarstva i industrije u postupku izdavanja Energetske dozvole privrednom društvu „VE Ivovik“ d.o.o. Sarajevo, za izgradnju vjetroelektane VE „Ivovik“ instalirane nominalne snage 84 MW (42 x 2 MW) odobrene snage priključenja 84 MW (42 x 2 MW), planirane godišnje proizvodnje električne energije od 236,631GWh, koja se planira graditi na zapadnom rubu općine Tomislavgrad i istočnom rubu općine Livno.
2. Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku i kriterijima, formi i sadržaju zahtjeva za izdavanje energetske dozvole za izgradnju novih i rekonstrukcije postojećih proizvodnih postrojenja („Službene novine Federacije BiH“, 27/14), na izdavanju Energetske dozvole iz točke I ovog zaključka.
3. Ovaj Zaključak stupa na snagu narednog dana od dana objavljivanja u "Službenim novinama Federacije BiH".

15. Odluka o izdvajanju sredstava u Fond solidarnosti Federacije Bosne i Hercegovine za 2020. godinu

Vlada Federacije Bosne i Hercegovine je dostavila Odluku o izdvajanju sredstava u Fond solidarnosti Federacije Bosne i Hercegovine za 2020. godinu, radi informiranja.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 12. sjednici održanoj 23.6.2020. godine razmotrio i primio k znanju Odluku o izdvajanju sredstava u Fond solidarnosti Federacije Bosne i Hercegovine za 2020. godinu.

U raspravi nije niko učestvovao.

Predsjedavajući je konstatovao da je Dom naroda Parlamenta Federacije BiH primio k znanju Odluku o izdvajanju sredstava u Fond solidarnosti Federacije Bosne i Hercegovine za 2020. godinu.

16. Specijalni izvještaj o zabrani fizičkog kažnjavanja djeteta u Bosni i Hercegovini

Institucija Ombudsmena za ljudska prava BiH je dostavila Specijalni izvještaj o zabrani fizičkog kažnjavanja djeteta u Bosni i Hercegovini.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 11. sjednici održanoj 19.2.2020. godine razmatrao Specijalni izvještaj o zabrani fizičkog kažnjavanja djeteta u Bosni i Hercegovini i tom prilikom usvojio Zaključak.

Specijalni izvještaj su razmatrala nadležna radna tijela.

U raspravi je učestvovao Boris Krešić.

Specijalni izvještaj obrazložila je ombudsmen za ljudska prava Bosne i Hercegovine Jasminka Džumhur.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH je sa 40 glasova za i dva suzdržana glasa usvojio sljedeći

ZAKLJUČAK

Dom naroda Parlamenta Federacije Bosne i Hercegovine prihvaća preporuke Ombudsmena za ljudska prava Bosne i Hercegovine i zadužuje Vladu Federacije Bosne i Hercegovine da postupi po datim preporukama.

Zatim je predsjedavajući predložio da se vodi zajednička rasprava o tačkama dnevnog reda 17. i 18. što su delegati prihvatili.

17. Izvještaj o zaduženju Federacije Bosne i Hercegovine po osnovu emisije trezorskih zapisa (9M) na dan 22.10.2019. godine

18. Izvještaj o zaduženju Federacije Bosne i Hercegovine po osnovu emisije (7Y) obveznica na dan 15.10.2019. godine

Vlada Federacije Bosne i Hercegovine je zbog informiranja dostavila Izvještaj o zaduženju Federacije Bosne i Hercegovine po osnovu emisije trezorskih zapisa (9M) na dan 22.10.2020. godine i Izvještaj o zaduženju Federacije Bosne i Hercegovine po osnovu emisije (7Y) na dan 15.10.2020. godine.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 11. sjednici održanoj

19.2.2020. godine primio k znanju ova dva Izvještaja o zaduženju Federacije Bosne i Hercegovine.

U raspravi nije niko učestvovao.

Predsjedavajući je konstatovao da je Dom naroda Parlamenta Federacije BiH primio k znanju Izvještaj o zaduženju Federacije Bosne i Hercegovine po osnovu emisije trezorskih zapisa (9M) na dan 22.10.2020. godine i Izvještaj o zaduženju Federacije Bosne i Hercegovine po osnovu emisije (7Y) na dan 15.10.2020. godine.

19. Izbor i imenovanja

- Prijedlog Odluke o izboru članova u Parlamentarnu komisiju odgovornu za reviziju.

Prijedlog Odluke o izboru članova u Parlamentarnu komisiju odgovornu za reviziju utvrdile su komisije za Izbor i imenovanja oba doma Parlamenta Federacije Bosne i Hercegovine.

Predstavnički dom Parlamenta Federacije Bosne i Hercegovine je obavijestio Dom naroda Parlamenta Federacije Bosne i Hercegovine da je na 12. sjednici održanoj 23.6.2020. godine donio Odluku o izboru članova u Parlamentarnu komisiju odgovornu za reviziju.

U raspravi nije niko učestvovao.

Predsjedavajući je stavio na glasanje Prijedlog Odluke o izboru članova u Parlamentarnu komisiju odgovornu za reviziju.

Iz Predstavničkog doma Parlamenta Federacije Bosne i Hercegovine su izabrani: Ivica Pavković, Dženana Hodžić, Adis Arapović, Alma Kratina i Elvir Karabajić.

Iz Doma naroda Parlamenta Federacije Bosne i Hercegovine su izabrani: Aljoša Čampara, Tomislav Martinović, Jasmin Duvnjak, Ivo Tadić, Slađan Ilić, Drago Puziga i Aner Žuljević.

Za predsjednika Parlamentarne komisije odgovorne za reviziju izabran je Ivica Pavković iz Predstavničkog doma Parlamenta FBiH, a za zamjenika predsjednika Aljoša Čampara iz Doma naroda Parlamenta FBiH.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH je sa 42 glasa za donio navedenu Odluku o izboru članova u Parlamentarnu komisiju odgovornu za reviziju.

Sjednica je završila sa radom u 14:27 sati.

* * *

Transkript sjednice čini sastavni dio Zapisnika.

SEKRETAR
Izmir Hadživdić

PREDSJEDAVAJUĆI
Tomislav Martinović